




1048

Broj: 01-1190/26
Sarajevo, 18.03.2026. godine

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO



N/R Elvedin Okerić, predsjedavajući Skupštine Kantona Sarajevo

Veza Vaš akt broj: 01-04-58637-15/25 od 29.12.2025. godine i broj:01-04-58637-9/25 od 29.12.2025. godine

Predmet: Odgovori, *d o s t a v l j a j u s e*;-

Poštovani,

U prilogu Vam dostavljamo odgovore Komisije, broj:01-1150/26 od 17.03.2026. godine na zastupnička pitanja, koja su na 28. radnoj sjednici Skupštine Kantona Sarajevo održanoj dana 29.12.2025. godine, uputili zastupnica Sebija Izetbegović i zastupnik Faruk Selmanović.


Također u prilogu Vam dostavljamo i dokumentaciju koju je pripremila Komisija.

S poštovanjem,

Prilog: kao u tekstu

Dostaviti:

- Naslovu sa prilogom
- a/a

DEKAN
prof.dr. Ifet Mahmutović




KOMISIJA ZA ODGOVOR NA ZASTUPNIČKA PITANJA

Faruka Selmanovića i Sebije Izetbegović

Sarajevo, 17.03.2026. godine

BZ: 01-1151/26

Prof. dr. Ifer Mahmutović
DOSTAVITI DEKANU FAKULTEETA
Prof. dr. Ifer Mahmutović

PREDMET: Dostava potpisane verzije odgovora na zastupnička pitanja, Faruka Selmanovića i Sebije Izetbegović

Na osnovu člana 71. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22), člana 115. Statuta Univerziteta u Sarajevu broj: 01-14-35-1/23 od 26.07.2023. godine, te zaključka sa sjednice Menadžmenta od 12.01.2026. godine, dekan Fakulteta sporta i tjelesnog odgoja Univerziteta u Sarajevu donio je Odluku o imenovanju Komisije za pripremu odgovora na zastupnička pitanja zastupnika Faruka Selmanovića (broj: 01-04-58637-9/25 od 29.12.2025. godine) i zastupnice Sebije Izetbegović (broj: 01-04-58637-15/25 od 29.12.2025. godine). U Komisiju su imenovani:

1. Prof. dr. Munir Talović, predsjednik Komisije
2. Mahir Kapidžija, član
3. Mihrad Čeliković, član

Zadatak Komisije bio je da, pripremi cjelovit i dokumentovan odgovor na postavljena zastupnička pitanja i isti dostavi dekanu Fakulteta.

Postupajući po navedenoj Odluci, Komisija je izvršila detaljan uvid u arhivsku dokumentaciju vezanu za proces rekonstrukcije bazena Fakulteta sporta i tjelesnog odgoja, uključujući projektnu dokumentaciju, saglasnosti, odobrenja, izvještaje nadzora, zapisnike, akte nadležnih organa i dokumentaciju o tehničkom prijemu.

Bez obzira na činjenicu da se radi o izuzetno dugom periodu rekonstrukcije bazena (2004–2024), tokom kojeg su se mijenjali izvođači radova, faze realizacije, upravljačke strukture Fakulteta, kao i resorne nadležne institucije, Komisija je izvršila detaljan pregled kompletne raspoložive arhivske i tehničke dokumentacije. Uz konsultacije sa stručnim licima uključenim u realizaciju projekta i uvažavajući rok utvrđen Odlukom, izvršena je hronološka sistematizacija najrelevantnijih dokumenata, koji su izdvojeni i dostavljeni u regulatoru kao prilog ovom dopisu. Iz navedene dokumentacije moguće je jasno pratiti tok rekonstrukcije i pronaći odgovore na mnoga pitanja.

Komisija konstatuje da je proces rekonstrukcije bazena Fakulteta sporta i tjelesnog odgoja okončan tehničkim prijemom i izdavanjem upotrebne dozvole, te da je objekat stavljen u funkciju u skladu sa važećim propisima.

Ovaj Odgovor sa pratećom dokumentacijom dostavlja se dekanu Fakulteta na dalje postupanje.

KOMISIJA:
Prof. _____ predsjednik

M _____

Univerzitet u Sarajevu
Fakultet sporta i tjelesnog odgoja



University of Sarajevo
Faculty of Sport and Physical Education

Mihrad Čeliković, član

[Redacted]



ODGOVOR KOMISIJE

na zastupnička pitanja zastupnika Faruka Selmanovića i zastupnice Sebiye Izetbegović

I. ODGOVORI NA PITANJA ZASTUPNIKA FARUKA SELMANOVIĆA

1. Da li Ministarstvo za nauku, visoko obrazovanje i mlade KS, Rektorat UNSA i Fakultet sporta i tjelesnog odgoja mogu dostaviti cjelovitu informaciju o svim fazama izgradnje bazena, uključujući projektovanje, izdavanje odobrenja za građenje, izvođenje radova i tehnički prijem?

Rekonstrukcija bazena Fakulteta sporta i tjelesnog odgoja odvijala se u više faza u periodu od 2004. do 2024. godine. Radi se o objektu koji je teško oštećen tokom ratnih dejstava, s obzirom na to da se Fakultet nalazio na prvoj liniji odbrane grada.

Od 2004. godine započete su aktivnosti na izradi projektne dokumentacije i pribavljanju potrebnih saglasnosti i odobrenja. U narednim godinama realizovane su pojedine faze građevinskih, mašinskih i elektro radova, u skladu sa raspoloživim budžetskim sredstvima. U periodu 2010–2017. godine došlo je do zastoja zbog neobezbjedeđenih finansijskih sredstava za nastavak investicije.

Nakon obezbjeđenja sredstava od strane Vlade Kantona Sarajevo, radovi su intenzivirani i privedeni kraju, uključujući završne radove na bazenskoj tehnici i sistemu dezinfekcije. Stručni nadzor nad izvođenjem radova vršen je od strane ovlaštenog nadzornog organa.

Po završetku radova izvršen je tehnički prijem objekta od strane nadležne Komisije Općine Centar, koja je konstatovala da su ispunjeni uslovi u skladu sa važećim propisima, nakon čega je izdata upotrebna dozvola.

U školskoj 2024/2025. godini bazen je stavljen u funkciju za potrebe realizacije nastavnog procesa.

U tom smislu, Komisija je pripremila registrator sa hronološki sistematizovanom i relevantnom dokumentacijom o svim fazama projektovanja, pribavljanja odobrenja, izvođenja radova i tehničkog prijema u periodu 2004–2024. godine, koji se dostavlja kao prilog ovom odgovoru i predstavlja integralnu informaciju u vezi sa postavljenim pitanjem.

2. Koji su konkretni razlozi i okolnosti koji su doveli do kršenja Zakona o prostornom uređenju Kantona Sarajevo u ovom slučaju?

Tokom rekonstrukcije bazena, u različitim fazama izvođenja radova, vršene su kontinuirane konsultacije između izvođača radova, nadzornog organa, projektanta, dobavljača opreme i predstavnika Fakulteta, s ciljem iznalaženja tehnički najadekvatnijih i savremenih rješenja, uključujući unapređenje bazenske tehnike i sistema hlorne stanice u odnosu na prvobitna, zastarjela rješenja. Određena prilagođavanja i tehnička usaglašavanja realizovana su u hodu, uz saglasnost stručnih lica i nadzora, kako bi se osigurala potpuna funkcionalnost i usklađenost sa važećim standardima.

Isto tako je u postupku tehničkog prijema evidentiran, određen broj tehničkih nedostataka koje je trebalo otkloniti radi potpunog ispunjavanja zakonskih i sigurnosno-tehničkih uslova. Nakon što su svi uočeni nedostaci otklonjeni do najsitnijih detalja, nadležna komisija je izvršila tehnički prijem objekta u skladu sa Zakonom o prostornom uređenju Kantona Sarajevo, čime su stečeni uslovi za izdavanje upotrebne dozvole i stavljanje bazena u funkciju.

3. Da li su do sada pokrenuti interni postupci za utvrđivanje odgovornosti zbog navedenih kršenja zakona i da li su isti okončani, koja su lica identifikovana kao odgovorna i koje su sankcije eventualno izrečene?



Tokom realizacije projekta i postupka tehničkog prijema određena tehnička rješenja bila su predmet dodatnih stručnih razmatranja i usaglašavanja sa nadležnim organima, u cilju postizanja optimalnog i sigurnosno najadekvatnijeg rješenja. U skladu sa propisanim procedurama, izvršena su potrebna prilagođavanja i ponovljene radnje u postupku, nakon čega je nadležna komisija potvrdila ispunjenost svih zakonskih i tehničkih uslova te je izdata upotrebna dozvola.

S obzirom da je postupak u konačnici okončan potvrdom tehničke ispravnosti objekta i izdavanjem upotrebne dozvole, te da su sva rješenja proizašla iz stručnih usaglašavanja i tehničkih procjena, nisu pokretani interni postupci niti su preduzimane mjere individualne odgovornosti.

4. Koje je konkretne mjere Ministarstvo za nauku, visoko obrazovanje i mlade Kantona Sarajevo i Rektorat Univerziteta u Sarajevu do sada preduzelo radi utvrđivanja odgovornosti, saniranja nastale finansijske štete Univerzitetu u Sarajevu, te sprječavanja ugrožavanja zdravlja i sigurnosti korisnika bazena.

Rektorat Univerziteta i Rektor, zajedno sa Ministarstvom za obrazovanje, nauku i mlade Kantona Sarajevo, pružali su kontinuiranu podršku, posjećivali realizaciju projekta rekonstrukcije i bili aktivno prisutni kako na otvaranju bazena, tako i u svim fazama rekonstrukcije. Ministarstvo je, kao partner i potpisnik ugovora, od Vlade Kantona Sarajevo obezbijedilo neophodna sredstva za rekonstrukciju, čime je omogućena nesmetana realizacija radova. Njihova angažovanost bila je ključna za završetak projekta, pri čemu je puštanje bazena u rad ostalo primarni cilj, a tokom cijelog procesa nije bilo elemenata koji bi upućivali na potrebu pokretanja postupaka utvrđivanja odgovornosti zbog eventualno nezakonitih radnji.

5. Koje će daljnje mjere Ministarstvo i Rektorat preduzeti radi sankcionisanja odgovornih lica za kršenje zakona u ovom konkretnom slučaju.

Ministarstvo za obrazovanje, nauku i mlade Kantona Sarajevo i Rektorat Univerziteta u Sarajevu nemaju saznanja o bilo kakvim nezakonitim radnjama tokom rekonstrukcije bazena i neće poduzimati nikakve vlastite korake sankcionisanja. Proces rekonstrukcije, iznalaženja najboljih rješenja, davanjem saglasnosti Komisije za tehnički prijem objekta i dobijanjem upotrebne dozvole za rad bazena potvrdio je ispravnost svih procedura adaptacije. Time je osigurano poštivanje zakonskih i tehničkih normi i pravilan završetak projekta.

II. ODGOVOR NA PITANJA ZASTUPNICE SEBIJE IZETBEGOVIĆ

- 1. Koje je konkretne mjere Ministarstvo za nauku, visoko obrazovanje i mlade Kantona Sarajevo, kao resorno nadležno ministarstvo, preduzelo ili planira preduzeti radi utvrđivanja individualne odgovornosti i sankcionisanja odgovornih lica zbog kršenja Zakona o prostornom uređenju Kantona Sarajevo u postupku izgradnje navedenog bazena?**
- 2. Da li su Ministarstvo za nauku, visoko obrazovanje i mlade Kantona Sarajevo i Rektorat Univerziteta u Sarajevu, po saznanju o utvrđenim nepravilnostima i donesenom zaključku o dozvoli prinudnog izvršenja, o svemu obavijestili Tužilaštvo Kantona Sarajevo? Ukoliko nisu, iz**



kojih razloga to do danas nije učinjeno? Ukoliko jeste, kada je obavijest upućena i pod kojim aktom i brojem protokola?

Postavljena pitanja se odnose na nadležnosti Ministarstva za nauku, visoko obrazovanje i mlade Kantona Sarajevo, kao resornog ministarstva, te eventualno na Rektorat Univerziteta u Sarajevu. Tokom dvadesetogodišnje rekonstrukcije bazena Fakulteta sporta i tjelesnog odgoja, bilo je izazova pred izvođače, Fakultet i nadzor, te je u pojedinim fazama bilo potrebno zamijeniti neka prvobitna rješenja boljim i sigurnijim. Proces je okončan tehničkim prijemom od strane Komisije za tehnički prijem Opštine Centar i izdavanjem upotrebne dozvole, koje garantuju ispravnost i zakonitost cjelokupnog postupka rekonstrukcije bazena.

Sarajevo, 17.03.2026. godine

BE: 91-1160/25

KOMISIJA:

Prof. dr. Munir Tolović, predsjednik

Ma

Mil